



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

Brunner, Andreas
Pfeffer, Wilhelm

Antverpiæ, [1659 erschienen] 1660

Præsentatio B. Mariæ V. 21. Novembris.

urn:nbn:de:hbz:466:1-42032

virtutem etiam post mortem vivere? Ex Surio.

Sicut Christi milites, deposito corporis anima que corpore, virtutum procedamus ad campum: dedimus corpori annum, demus anima dies: impendimus nobis tempora, tempus deputemus auctori, vivamus DEO aululū, qui saeculo viximus totū. S. Pet. Chryf. f. 12.

PRÆSENTATIO B. MARIÆ V.

21. Novembris.

HEUS! ad spectaculum hodiernum omnes vos
H in orbe parentes voco, liberos omnes. Ne
 dubitate oculos adferre, cum, ut hos pascant, ef-
 fundere se cælo, & convolare Superos videam,
 videam arridesse, acclamare audiam. Ecce TRI-
 MULA VIRGVNCVIA, Iudææ delictum, patris &
 matris amor, spes familiæ unica, unica fessæ æta-
 tis virga, hæc inquam talis ac tanta, è parentum
 sinu & brachiis non ad Venetis alicujus gynæ-
 ceum, non ad nuptias, quas cunis promittere
 amant patres, sed ad castissima vota, ad templi
 adyta deproperat, euolatque ad aram, ipsa mox
 templum, ipsa Numinis ara futura. Assentiuntur
 interea Ioachimus & Anna, & filia sibi que plau-
 dunt. Quid hinc nostras ætas! Nimirum percat
 flos virginis, ne stirps avita: intereat pudor, ne
 familia. Laerimentur Angeli, modò nepotes ri-
 deant. Si vacuum incolis cælum, modò domus
 non hereditibus. Si quid pulchrum in liberis, si
 quid ingenuum & liberale, aulæ hoc debetur
 genio, mundi servitio mancipatur & carnis am-
 plexibus. At si quid monstri nascitur illud de-
 mum, ajunt, in claustra Religiosa (desertas insulas
 cogita) exportetur. Si quid bardum, blæsum lu-
 scum, claudum, hoc hoc cellâ occultetur, silentio
 monastico

monastico corrigatur, cucullo abscondatur, togâ involvatur. Deus sibi habeat, quod nemo hominum velit. Christus domum ducat, quas thalamo omnes terræ filij excludunt. Erubescite parentes, & ruborem vestrum in speculo, in vultu Ioachimi & Annæ, hodie corrigite.

MARIAM *ô fidelis anima imitare. Castis Deo inhare amplexibus, devotionis gemitus emitte, amoris prope carmina, & ignita laudis sacrificium exolve: eris proculdubio pudicissima turtur eò speciosior, quò frequentius his amoris preludiis inharebis.* B. Laur. Iustin, in F. Pur. B. M. V.

S. COLYMBANVS CONF. 11. Novemb.

ECce sub pedibus filii triumphatam matrem, Quid oculos avertitis filii molles, si Deus arridet? Nimirum sic pugnandum est, cum mater in filium movet, non jam mater, sed hostis; cum lacrimæ classicum canunt, tela volant verba melle illita, trabales è pectore sagittæ gemitus veniunt, ferream pectus penetraturi; cum insidias ubera detegunt, & uni rota acies (mater) se opponit. Perrupit tamen COLYMBANVS, & quod Christi militi Hieronymus suavit, per calcatam matrem ad victoriam sibi iter stravit, Religioniq; opima spolia ex parente tulit. Domito cognato hoste, quid mirum si virtuti lupi cesserunt, quos inter duodenos obambulantem COLYMBANVM ovem aurei sæculi putasses: sed & ursus antrum suum cessit fortiori. Vnus Theodoricus Galliæ rex monitis piis ausus est resistere, sed suo & posteritatis suæ interitu. Hoc igitur etiam triumphato, dux COLYMBANVS eorum factus est, qui in parentes cælo auctore pugnant. His